

## Май

### **18/1 Преподобного Иоанна, ученика преподобного Григория Декаполита (820-850).**

№70 Тропарь, глас 8

Преподобный Иоанн ачана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 4

Поро пиалан Иоанн ачана, пўтым кучен илышетым сōрастаренат, капкылетым сорлыклен, ия-шамычын алгаштарымыштым сененат, Юмылан йōрышō лийын, курымашлык да ойгыдымо илышыш толынат. Мемнам утарыже манын, Тудым сōвале.

Величание

Поро пиалан улметым моктена, Юмылан йōрышō Иоанн ачана, тыйым пагален шарнена, вет тый монах-влакым виктарыше да суксо-влак дене мутланыше улат.

### **19/2 Преподобного Иоанна Ветхопещерника (VIII).**

№70 Тропарь, глас 8

Преподобный Иоанн ачана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 2

Иоанн ачана, Юмын полшымо дене шўм-чон яндарлыкым пойдарен, умдым пенгыдын кучымо семын молитвам эре лудын, ия тўшкам сененат, мемнан верчат чарныде кумал.

Величание

Поро пиалан улметым моктена, Юмылан йōрышō Иоанн ачана, тыйым пагален шарнена, вет тый монах-влакым виктарыше да суксо-влак дене мутланыше улат.

### **20/3 Преподобного Феодора Трихины (IV-IX).**

№70 Тропарь, глас 8

Преподобный Феодор ачана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 4

Кугу ушан преподобный Феодор ачана, öрыктарыше илышым ончыктен, чоштыра вургемым тый кугыжан мландымбалысе поянлыкше деч утларак жапленат, сандене Пылпомышысо чиемым налынат, мемнан верчат чарныде кумал.

Величание

Поро пиалан улметым моктена, Юмылан йōрышō Феодор ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**21/4 Священномученика Ианнуария епископа и  
иже с ним (ок.305).**

№64 Тропарь, глас 4

Юмылан йöрышö священномученик Ианнуарий, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 3

Святой Ианнуарий ден Феодор, священниклан шогалтыме годсо помазаний да орланымаш вўр дене сылнештын, кўшылсö-влак дене пырля куанен, чыла вере волгалтареда, мемнамат вўдыза. Тендан храмыш толын, чарныде йодына: Айдемым йöратыше Юмым сөрвален, мемнамат аралыза.

Величание

Тендам моктена, тендам моктена, святой орланыше Ианнуарий ден Феодор, да Христос верч орланымыдам пагален шарнена.

**22/5 Преподобного Феодора Сикеота, епископа Анастасиупольского (613).**

Тропарь, глас 2

Священный Феодор, тый шепка гычак святитлыме да порылык дене темше улат, тўням чудо дене волгалтарен, шуко иям поктен колтенат, сандене мемнан верчат Господьым сөрвале.

Кондак, глас 3

Чоныштет Юмым нумалше преподобный Феодор, поро пашат дене тый кавашке тулан орва дене кўзымö семын кўзенат, ен-влак дене суксо семын илен, ынде суксо-влак дене пырля айдеме семын йывыртет, сандене Юмын чудыжым налше улат.

Величание

Поро пиалан улметым моктена, Юмылан йöрышö Феодор ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**23/6 Великомученика Георгия Победоносца (303).**

Тропарь, глас 4

Пленьште улшо-влакым утарыше, йорло-влакым аралыше, черле-влакым паремдыше, Православий верч чот шогышо да Сенгымашым кондышо великомученик Георгий, мемнан чоннам утараш Христос Юмым сөрвале.

Кондак, глас 4

Порылыкым ышташ Юмын ямдылыме шергакан святой ен, тый кидышкет порылыкым погенат, шинчавўд дене ўден, куанен тўредат, вўр марте орланен, Христосым муынат да шке кумалмет дене чылаштлан сулык касарымашым пуэт.

Величание

Тыйым моктена, тыйым моктена, Сенгымашым кондышо Георгий, чот орланыше святой, да Христос верч орланыметым пагален шарнена.

**24/7 Мученика Саввы Стратилата и с ним  
70-ти воинов (272).**

№57 Тропарь, глас 4

Господь, Тыйын орланышет Савва индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 4

Моктымо да поро пиалан Савва, сарзе-влакын сенаш лийдыме вуйлатышышт, тый вес калык-влакын чоялыкыштым сененат, орлыкым пенгыдын чытен, ужаш лийдыме тушман-влакым чактаренат. Сенымаш вуйшўдышым пидше ачана, ўшан дене тыйым шарныше-влак верч Христос Юмым сўрвале.

Величание

Тыйым моктена, тыйым моктена, святой орланыше Савва, да Христос верч орланыметым пагален шарнена.

**25/8 Апостола и евангелиста Марка (63).**

№37 Тропарь, глас 3

Евангелийым возышо святой апостол Марк, мемнан чонлан сулык касарымашым пуыжо манын, чаманыше Юмым сўрвале.

Кондак, глас 2

Чот моктымо апостол Марк, Святой Шўлышын порылыкшым кўшыч налын, мастарын ойлен моштышо-влакын шояштым пытаренат, Юмын Поро Увержым шарен, калык-влакым погенат да Чыла Кучышо деке конденат.

Величание

Тыйым моктена, тыйым моктена, Евангелийым возышо святой апостол Марк, Христосын Поро Увержым шарымет годсо орланымет ден пашатым пагален шарнена.

**26/9 Священномученика Василия,  
епископа Амасийского (ок.322).**

№64 Тропарь, глас 4

Юмылан йўрышў священномученик Василий, койыш-шоктышет дене апостол да нунын престольштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сўрвале.

Кондак, глас тойже

Священномученик Василий, мландымбалысе кугыжан кўштымыжым шўкалын, Пылпомышысо Кугыжанышым налынат, тушто куанымет годым тыйым пагалыше-влакым шарналте.

Величание

Тыйым моктена, тыйым моктена, священномученик Василий, тыйым пагален шарнена, вет тый мемнан верч Христос Юмынам сўрвалет.

**27/10 Апостола и священномученика Симеона, епископа Иерусалимского,  
сродника Господня по плоти (107).**

Тропарь, глас 1

Христосын тукумжо гыч улшо священный вуйлатыше, орланымаште пенгыдын шогышо, ондалымашым сенгыше, ўшанымашым арален кодышо Симеон, тыйым молитва дене моктена. Таче тыйым волгыдын шарнена да кумалмет дене сулыкнам касарымашым налына.

Кондак, глас 4

Юмо нерген туныктышо кугу шүдыр гай Симеоным Черке таче волгыдын мокта: орланыше-влакын пагалыме вуйшүдышышт, куане.

Величание

Тыйым моктена, тыйым моктена, Христосын апостолжо Симеон, Христосын Поро Увержым шарымет годсо орланымет ден пашатым пагален шарнена.

**28/11 Апостолов от 70-ти: Иасона и Сосипатра (I).**

№40 Тропарь, глас 3

Святой апостол-влак, мемнан чонлан сулык касарымашым пуыжо манын, чаманыше Юмым сөрвалыза.

Кондак, глас 4

Юмын апостолжо-влак Иасон ден Сосипатр, те волгыдо шүдыр гай лийында, туныктымашын волгыдыж дене уло сандалыкым сотемдареда, тендам чот ўшанен пагалыше-влакым утарыза.

Величание

Тендам моктена, тендам моктена, Иасон ден Сосипатр святой апостол-влак, шке туныктымыда дене уло тўням волгалтарен, тўнян чыла ужашыжым Христос деке кондена.

**29/12 Девяти мучеников Кизических: Феогнида, Руфа, Антипатра, Феостиха, Артемы, Магна, Феодота, Фавмасия и Филимона (286-299).**

Тропарь, глас 8

Тўрлө ола гыч Юмын ойырен налме индеш святой орланыше, Христос верч лўддымын орланаш те иктыш погымо улыда, ужаш лийдыме тушманым сенен, чытымыда дене осал князь ден орландарыше-влакым вожылтаренда. Юмым йоратымаш тул дене ылыжын, тендам йўлалтыше тулым йўкшыктаренда, сандене Христос Юмо тыланда йўштымуж черым эмлаш порылыкым пуэн. Тудын деч да тўрлө осал деч мемнамат чаманен утараш йодына.

Кондак, глас 2

Юмын Кумытло Кече улмыжым туныктышо, пенгыде да чот волгыдо индеш святой орланыше, судышто Тудлан эн ончычак сөрвален ойленда: Кучен Ашныше Юмо, Тыланет капна дене пырля вўр ден чоннам яндар надыр семын кондена. Чаманыше Юмо, мемнамат Шкендын Пылпомышысо погынышкет пурто.

Величание

Тендам моктена, тендам моктена, орланыше индеш святой, да Христос верч орланымыдам пагален шарнена.

**30/13 Апостола Иакова Зеведеева, брата апостола  
Иоанна Богослова (44).**

№37 Тропарь, глас 3

Святой апостол Иаков, мемнан чонлан сулык касарымашым пуыжо манын, чаманыше Юмым сөрвале.

Кондак, глас 2

Моктымо Иаков, Юмын ўжмө йўкшым колын, йоратыше ачатым коден, шольыч дене пырля Христос деке толынат да Господьын Волгалт вашталтмыжым ужаш йорышө лийынат.

Величание

Тыйым моктена, тыйым моктена, апостол да священномученик Иаков, тыйым пагален шарнена, вет тый мемнан верч Христос Юмынам сөрвалет.

**1/14 Пророка Иеремии (VI в. до Р.Х.).**

№33 Тропарь, глас 2

Господь, Тыйын Иеремий пророктым шарныме кечым пайремлена, да тудым ўжын, Тыйым сөрвалена: мемнан чоннам утаре.

Кондак, глас 3

Орланыше кугу пророк, моктымо Иеремий, волгыдым шарыше шүметым шўлыш дене яндарештен, ончык ужын моштымашым кўшыч налынат да түрлө кундемлаште кугу йўкын ойленат: тиде мемнан Юмына, да весе тыгай уке, вет Тудо капым налын да мландымбаке толын.

Величание

Тыйым моктена, тыйым моктена, Юмын пророкшо Иеремий, тыйым пагален шарнена, вет тый мемнан верч Христос Юмынам сөрвалет.

**2/15 Святителя Афанасия Великого, архиепископа Александрийского (373).**

Тропарь, глас 3

Священник-влакын вуйлатышышт, преподобный Афанасий, чын ўшанымашын чоткыдо менгыже, Юмын туныктымьж дене Черкым пенгыдемденат, Ача ден Эргын иктак улмыштым рашемден, Арийым вожылтаренат. Мемнам чот чаманыже манын, Христос Юмым сөрвале.

Кондак, глас 2

Преподобный Афанасий ачана, чын ўшанымашым шарен, осал туныктымашын пелчанжым вожге кукленат, Шўлышын вўдыжгыж дене ўшанымашын нōшмыжым шукемденат, сандене тыйым моктен мурена.

Величание

Тыйым моктена, тыйым моктена, святитель Афанасий ачана, тыйым пагален шарнена, вет тый мемнан верч Христос Юмынам сөрвалет.

**3/16 Мучеников Тимофея и Мавры (286).**

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

Кондак, глас тойже

Түрлө ойгым чытыше да Юмо деч венецым налше чот кугу Тимофей ден моктымо Мавра, тендан нерген священный шарнымашым аралыше-влак верч да ола ден ен-влак тынысыште илышт манын, Господь Юмым сөрвалыза, Тудо вет ўшаныше-влакын пенгыдылыкышт.

Величание

Тендам моктена, тендам моктена, орланыше Тимофей ден Мавра святой-влак, да Христос верч орланымыдам пагален шарнена.

**4/17 Мученицы Пелагии, девы Тарсийской (290).**

№76 Тропарь, глас 4

Иисус, Тыйын Пелагия пачат кугу йүкын үжеш: Качем, Тыйым йөрәтем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөрәтен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас 3

Чот моктымо Пелагия, жаплан пуалтше деч корангын, Пылпомышысо порылыкым муынат, орланымет верч венецым налын, Кучен Ашныше Христослан пөлек семын вүр йогынетым конденат. Тыйым пагален шарныше-влакым ойго гыч утараш Тудым сөрвале.

Величание

Тыйым моктена, тыйым моктена, Христосын орланышыже Пелагия, да Христос верч орланыметым пагален шарнена.

### **5/18 Великомученицы Ирины (I-II).**

№76 Тропарь, глас 4

Иисус, Тыйын Ирина пачат кугу йүкын үжеш: Качем, Тыйым йөрәтем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөрәтен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас тойже

Нарашталыкын порылыкшо дене сылнештше Ирина, орланымаш дене эше моторештынат, йогышо вүрет дене чеверген, Юмылан үшаныдыме-влакын шояштым сененат да тыйым Ыштыше Христос Юмын кидше гыч сенымаш чапым налынат.

Величание

Тыйым моктена, тыйым моктена, Христосын орланышыже Ирина, да Христос верч орланыметым пагален шарнена.

### **6/19 Праведного Иова Многострадального (ок.2000-1500 гг. до Р.Х.).**

Тропарь, глас 1

Иовын порылык поянлыкшым ужын, чынын тушманже тудым чоян шолышташ төчен, капшын пенгыдылыкшым лунчыртен гынат, шүлышын поянлыкшым шолышт кертын огыл, чон яндарлыкше тудым арален. Утарыше Юмо, мыйымат терге да шке аралтышышкет нал, мучаш толмо деч ончыч мыйымат осал деч коранде да утаре.

Кондак, глас 8

Юмылан йөрешö чыла моктымо святой, тый чын, яндар, поро койышан, сулыкдымо да святитлыме лийынат, чытымашет дене туням волгалтаренат. Юмын пуымо ушан ачана, тыйын чытыше да кугу порылыкан улметым пагален шарнена.

Величание

Тыйым моктена, тыйым моктена, чын илыше да шуко орланыше святой Иов ачана, тыйым пагален шарнена, вет тый мемнан верч Христос Юмынам сөрвалет.

**7/20 Воспоминание явления на небе  
Креста Господня в Иерусалиме (351).**

Тропарь, глас 8

Тыйын Ыресетын түсшө таче кече деч чот волгалтын, святой курык деч тўнгалын, Курыксанга манме вер марте ончыкталтын да Тыйын кугу куатетым рашемден. Тыланет ўшаныше-влакым Ыресет дене пенгыдемден, тынысыште эре аралет. Шке Аватын кумалмыж дене, Христос Юмо, мемнамат утаре.

Кондак, глас 4

Петырыме Пылпомыш почылтын, кава гыч мландымбаке кечыйол семын Кугун Пагалыме Ырес волгалтын, тудын тулжым ужшо-влак пычкемышалтдыме волгыдо деке савырнена, вет сарыште Ырес – тынысын саркуралже да эн кугу сенымыш.

**8/21 Апостола и евангелиста Иоанна Богослова  
(ок.98-117).**

Тропарь, глас 2

Христос Юмын йöратыме апостолжо, аралалт кертдыме ең-влакым утараш вашке. Кө тыйым Шке онг пеленже налын, Тудак тыйым колыштеш, да Чын Юмым палыдыме калык тўшкам поктен колташат Тудымак сөрвалет, а мыланна тынысым да кугу чаманымашым йод.

Кондак, глас 2

Тыйын чот күкшө улметым да яндарлыкетым кө каласен кертеш? Тый чудым ыштет, пареммашым пуэт, мемнан чонна верчат кумалат, вет Христосын йолташыже да Юмын шомакшым палыше улат.

Величание

Тыйым моктена, тыйым моктена, Евангелийым возышо апостол Иоанн Богослов, Христосын Поро Увержым шарымет годсо орланымет ден пашатым пагален шарнена.

**9/22 Пророка Исаии (VIII в. до Р.Х.).**

№33 Тропарь, глас 2

Господь, Тыйын Исай пророкетым шарныме кечым пайремлена, да тудым ўжын, Тыйым сөрвалена: мемнан чоннам утаре.

Кондак, глас тойже

Орланыше пророк Исай, ончык ужын моштымашым налын, Юмо нерген туныктенат, Господын айдеме капым налшашыжым умылтарен, уло тўнялан кугу йўкын каласенат: Эн Яндар Ўдыр көргышкыжө Юмым налеш.

Величание

Тыйым моктена, тыйым моктена, Юмын пророкшо Исай, тыйым пагален шарнена, вет тый мемнан верч Христос Юмынам сөрвалет.

**10/23 Апостола Симона Зилота (I).**

№37 Тропарь, глас 3

Святой апостол Симон, мемнан чонлан сулык касарымашым пуыжо манын, чаманыше Юмым сөрвале.

Кондак, глас 2

Поро ен-влакын чонышкышт кугу уш-акылым пыштыше Симоным моктена, вет тудо Юмо нерген туныктен да кызыт Чапын престолжо ончылно капдыме куат-влак дене пырля куана, мемнан верч чарныде кумалеш.

Величание

Тыйым моктена, тыйым моктена, Христосын апостолжо Симон, Христосын Поро Увержым шарымет годсо орланымет ден пашатым пагален шарнена.

**11/24 Священномученика Мокия (ок.295).**

№64 Тропарь глас 4

Юмылан йöрышö священномученик Мокий, койыш-шоктышет дене апостол да нунын престолыштым кучышо лийынат, пашат дене ужмаш күкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 8

Священномученик Мокий, ўшанымаш авыртем дене аралалтын, закондымын илыше-влакын тўшкаштым сененат, Христос деч венецым налынат. Сандене суксо-влак дене пырля куанет, тыйым моктен мурышо-влакым утаре да мемнан верч чарныде кумал.

Величание

Тыйым моктена, тыйым моктена, священномученик Мокий, тыйым пагален шарнена, вет тый мемнан верч Христос Юмынам сөрвалет.

**12/25 Святителей Епифания, епископа Кипрского (403), и Германа, патриарха Константинопольского (740).**

№46, 54 Тропарь, глас 4

Мемнан ачана-шамычын Юмыжо, мемнанам шке ўнышылыкет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын вичтаре.

Кондак, глас тойже

Öрыктарыше кок священный орланышым, Герман ден Божественный Епифанийым, ме, ўшаныше-влак, күлеш семын моктена, вет чын Юмылан ўшаныдыме калыкым когартен, поро койыш-шоктышын кугу таинствыж нерген чын мурышо-влаклан те кугу уш-акылан туныктымашым пуэнда.

Величание

Тендам моктена, тендам моктена, Епифаний ден Герман кугу святитель-влак, тендам пагален шарнена, вет те мемнан верч Христос Юмынам сөрвалета.

**13/26 Мученицы Гликерии девы (ок.177).**

№76 Тропарь, глас 4

Иисус, Тыйын Гликерия пачат кугу йўкын ўжеш: Качем, Тыйым йöратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йöратен кондымо яндар



надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

№83 Кондак, глас 3

Юмым Шочыктышо Яндар Ёдыр Мариям йөрәтен, нарашталыкетым курымеш араленат, Господьым йөрәтәмет верч тыршен, колымаш марте ушан пөрҗен гай индыралтынат. Орланыше ёдыр, тыйым Христос Юмо ойыртемалтше венец дене палемден.

Величание

Тыйым моктена, тыйым моктена, Христосын орланышыже Гликерия, да Христос верч орланыметым пагален шарнена.

**14/27 Мученика Исидора Хиосского (251).**

№57 Тропарь, глас 4

Господь, Тыйын орланышет Исидор индыралтмыж верч Тый дечет, мемнан Юмына деч, курымышлык венецым налын: орландарыше-влакым Тыйын пуымо виет дене сүмырал шуэн да ия-влакын тептердыме үчыштым шалатен. Тудын молитваже дене мемнан чоннам утаре.

Кондак, глас тойже

Чот чапланыше орланыше да Юмын пуымо ушан святой Исидор, Юмым сөрвалымет дене тый сандалыклан пеш кугу вуйлатыше лийынат, сандене таче тыйым моктен мурена.

Величание

Тыйым моктена, тыйым моктена, святой орланыше Исидор, да Христос верч орланыметым пагален шарнена.

**15/28 Преподобного Пахомия Великого (348).**

№51 Тропарь, глас 8

Пахомий ачана, шинчавуд йогынет дене ир мландым нөртенат да чот ойгырен шортмет дене паша саскатым шүдө пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сөрвале.

Кондак, глас 2

Түня түр марте волгалтше волгыдо лийынат, ир мландым монах-влак дене темше олалашке савыренат, мемнан верч чарныде кумалын, шкендым шке ыресеш пудаленат, ыресетым вачышкет пыштен, пүтым кучен, капетым орландаренат.

Величание

Поро пиалан улметым моктена, Юмылан йөрышө Пахомий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**16/29 Преподобного Феодора Освященного (368).**

№50 Тропарь, глас 1

Көргыштет Юмым нумалше Феодор ачана, тый ир мландыште илыше, капет дене Суксо гай да чудым ыштыше лийынат. Пүтым кучен, йүд-кече кумалын, молитвам лудын, пылпомышысо суапым налынат. Тый черле-влакым да тый декет үшанен толшо-влакын чоныштым эмлет. Тыланет пенгыдылыкым Пуышылан чап, тыйым венец дене Сöraстарышылан чап, тыйын гоч чылаштлан пареммашым Кондышылан чап лийже.

Кондак, глас 2

Преподобный ачана, тый Юмын суртыштыжо финик пушенге гай пеледынат, пүтым пенгыдын кучымо порылыкын саскажым Господьлан конденат. Капдыме куат-влак дене төр улметлан тыйым моктена.

Величание

Поро пиалан улметым моктена, Юмылан йöрышö Феодор ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**Тропарь преподобному Матфею,  
Яранскому чудотворцу, глас 1**

Преподобный Матфей ачана, изиет годсек Христосым йöратенат да уло чонет дене Тудым кычалынат, Юмын күштымашыжым тыршен шуктен, пүтым кучымо, кумалме да үнгышылык дене Господьын чаманымашыжым да паремден кертмаш вийым налынат, сандене тый декет үшан дене толшо-влаклан поро лыпландарыше лийынат. Ынде тыгак Яран ола да Виче кундемысе калык-влак верч, ачана-шамычын чын үшанымашыштым мыланна пенгыдын кучаш полшыжо да чоннам утарыже манын, Христос Юмым чот сөрвале.

Кондак, глас 8

Юмын ойырен налме преподобный Матфей ачана, Яран олан чудым ыштышыже, шкендын яндар илышет дене Господьлан йöренат да чарныде кумалме суапым налынат. Тыйым волгыдын шарнена да йöратен йодына: мемнан чоннам утарыже манын, Христос Юмым сөрвале.

**17/30 Апостола Андроника и святой Иунии (I).**

№40 Тропарь, глас 3

Святой апостол-влак, мемнан чонлан сулык касарымашым пуыжо манын, чаманыше Юмым сөрвалыза.

Кондак, глас 2

Волгалтше шүдырым, Юмым умылымашын волгыдыж дене калык-влакым сотемдарышым, Христосын апостолжо Андроникым да тудын дене пырля тыршыше кугу ушан Иуниям моктен мурен йодына: мемнан верч Христос Юмым чарныде сөрвалыза.

Величание

Тендам моктена, тендам моктена, Христосын апостолжо Андроник ден кугу ушан Иуния, шке туныктымыда дене уло тўням волгалтарен, тўнян чыла ужашыжым Христос деке конденса.

**18/ 31 Мученика Феодота Анкирского и  
мучениц семи дев (303).**

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сўмырал шуэныт да ия-влакын тептердыме үчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 2

Феодот ачана, орланыше-влак дене чот орланен, лишыл ен-влак деч орлыкым чыгыше пагалыме ўдыр-влак дене пырля чап венецым налынат, ынде мемнан верч Христос Юмым чарныде сөрвалыза.

Величание

Тендам моктена, тендам моктена, Феодот дене пырля орланыше святой-влак,  
да Христос верч орланымыдам пагален шарнена.